



# Synfocity = 547

mail us at : mzsynfo@gmail.com; mizoramsynod@gmail.com - Phone - 2314648

30<sup>th</sup> July, 2015

## □ Synod Mission Board

- ◆ **SMB Transit Accommodation Hawng:** July 21, 2015(Thawhlehi) dar 12:30 khan Synod Mission Board Transit Accommodation hmasa ber chu Satribari, Guwahati ah Rev. Lalchhuanmawia, SMB Secretary in a hawng. Hei hi Synod Mission Board Transit Accommodation tih hming pu hmasa ber a ni. He SMBTA-ah hian Single room 4 awmin khum 11 awmna dormitory a awm bawk. Pi Zohmingliani (Mobile 09085684214) chu Care taker atan ruat a ni.
- ◆ **New Life Mission Church kan Kohhran-ah rawn lut:** Odisha-a kan rawngbawlna, Kui hnama Kohhran hruaitu zawng zawng (Charloko leh Parloko)-te ni 4 June, 2015-a inhmu khawm chuan kan Kohhrana an luh thu signature-te lain an rawn thlen a. Odisha hi Ramthar Commission-in Mission Field-a pawm a lo rawt bakah rawngbawlna awmze nei zawk leh chak zawka kalpui a nih theih nan Kohhrana lawm luh remtih a ni a. A lawm luttu turin Moderator, Mizoram Synod ruat niin a hun leh tul dang erawh la tihchian loh a ni.
- ◆ July 26, 2015 (Pathianni) Chawhnu leh Zan inkhawmah Bethlehem Pastor Bial a Kohhran pali-ah Pre-Convention Campaign neih a ni a. Rev. Lalchhuanmawia Secy. SMB, Upa Lalrinmuana Co-ordinator leh Pu K. Ronghaka Mission Promoter hovin Milit Samiti member-te leh zaipawl hrang hrang-te Team 4 ah inthen-in hun hman a ni.

## □ Synod Multipurpose Training Centre

Synod Multipurpose Training Centre buatsaih Lay Leaders' Training wawi 187-na chu zanin (July 30) hian khar a ni. He Lay Leaders' training hi July 27-31 2015 chhungin neih a ni a, Presbytery 4 atangin Kohhran Upa 20 an tel thei. Training kharna inkhawm Upa Vanlalhuma, O/ASMTC-in a kaihrui a, Rev. Lalzuithanga, Sr.Executive Secretary in certificate semin thuchah a sawi a. Lay Leaders' Training tuang taka neih a ni. Synod Multipurpose Training Centre-ah hian Lay Leaders' training hi 1996 atangin neih tan a ni a. SMTC hmunah tum 152 leh hmun dangah tum 35 training neih tawhah Kohhran Upa 5948 training an awm tawh a ni.

## □ Synod Hospital

**Doctor (Medicine Specialist) thar :** Synod Hospital, Durtlang-a thawk turin Medicine Specialist Dr. Lalthafala, S/o Vanlalsawma (L), Vaivakawn chu Contract-a thawk turin lak thar a ni a, August 1, 2015(Inrinni) atangin a hna a zawm ang.

**Khawl thar :** Lithotripsy khawl leh Dialysis khawl chah thlen tawh a ni a, Engineer te pawh chah thlen an ni tawh a, a hmun hma tur buatsaih mek a ni. Hun rei loteah heng khawlte hi hman theih beisei a ni.

## □ Zin

- ◆ August 4 - 7, 2015 chhung hian Shillong-ah PCI Executive Committee nei turin Rev. Lalzuithanga, Senior Executive Secretary a kal ang.
- ◆ July 30 - August 3, 2015 chhung hian Guwahati-ah PCI Peace & Justice meeting nei turin Rev. P.C Pachhunga, Executive Secretary a kal ang.
- ◆ July 31 - August 8, 2015 chhung hian Guwahati-ah Meeting with Aluminium Manufacturer nei turin Upa H. Lalhmimgawia, Social Front, Coordinator a kal ang.

## □ Education

◆ Presbyterian English School(PES) 116 kan nei mek a, District Wise-a School neih dan hetiang hi a ni.

1. Aizawl District	-	51	5. Kolasib District	-	10
2. Champhai District	-	29	6. Mamit District	-	08
3. Lunglei District	-	02	7. Saiha District	-	01
4. Serchhip District	-	14	8. Meghalaya	-	01

◆ PES din hnua HSLC Result neih tawh dan hetiang hi a ni:

1. 2003 - 2004	-	92.86%	2. 2004 - 2005	-	87.09%
3. 2005 - 2006	-	45.94%	4. 2006 - 2007	-	70.6%
5. 2007 - 2008	-	81.35%	6. 2008 - 2009	-	95.45%
7. 2009 - 2010	-	93.54%	8. 2010 - 2011	-	98.74%
9. 2011 - 2012	-	100%	10. 2012 - 2013	-	100%
11. 2013 - 2014	-	96.08%	12. 2014 - 2015	-	90.38%

## □ Music

- ◆ July 29 - 30, 2015 chhung khan Mimbung Kohhran, Teikhang Bial-ah Solfa Training neih a ni a, hemi hun hmanpui hian Pu Lalromawia, Senior Music Instructor leh Upa Thanghuta, Dam veng te an kal.
- ◆ August - October, 2015 chhunga Synod Music School-a Violin leh Vocal zirtur mi 19 lak thar an ni a, August 3, 2015 (Thawhtanni) atanga class tan tur a ni.

## □ Synod-in chhawmdawlina pe

Tun hnaia harsatna hrang hrang neite hnenah Synod Relief Fund atangin chhawmdawlina hetiang hian pek an ni.

S.No	Khua	Pek chhan	Chhungkaw zat	Chhawmdawlina pek zat
1.	Mission Vengthlang	Damlo/Rethei	1	Rs. 8,000/-
2.	Jubili	Damlo/Rethei	3	Rs. 24,000/-
	<b>TOTAL</b>			<b>Rs. 32,000/-</b>

## □ Property

- ◆ July 30 - 31, 2015 chhung khan John Williams Hospital, Lunglei leh Serchhip Synod Bookroom Building sak enpuiin Pu Lalramenga Royte, JE a kal.
- ◆ August 4 - 6, 2015 chhung hian Pastor Quarters Land Lease buaipui turin Khawzawl leh Champhai-ah Pu K. Lalremruata a kal.

## □ Campus Ministry

- ◆ August 4, 2015(Thawhlehi) hian Apollo Nursing School, Laipuitlang-ah leh Pachhunga University-ah hun an hmang ang a, August 7, 2015(Zirtawpni) hian Health Worker Training School, Kulikawn-ah te hun an hmang ang.

- ❑ **MSSU**  
 August 1, 2015(Inrinni) hian Mualpheng Kohhran-ah Sunday School Zirtirtu Training neih a ni dawn a, hemi neihpui tur hian Pu Lalthahluna Ralte, MSSU Asst. Coordinator, Upa K. Vanlalngbaka, Ramhlun E (MSSU Trainer) leh Pu PC. Lalramliana, Dam Veng (MSSU Trainer) te an kal ang. Zan Pathian biak inkhawmah fanau enkawl chungchang thuchah Upa Vanlalngbaka'n a sawi bawk ang.
- ❑ **Revival**  
 August 4 - 23, 2015 chhung hian Synod Revival Committee leh Central YMA tangkawpin Ruihhlo avanga harsatna tawkte pualin Chhanchhuahna Camping, Art & Culture hmun, Berawtlang-ah a buatsaih dawn a. Speaker tur chu Pu Lalsanglura Ralte, Son of God Ministry a ni ang. Camper zawng zawng ten Simna leh Piantharna dik tak nena Pathian Chhanchhuahna an chan theuh theih nan leh, Speaker leh a buaipuitute zawng zawng pawh Thlarau Thianghlim awmpuina an chan theuh theih nan Kohhranho te'n i tawngtaipui ang u.
- ❑ **Kristian Thalai**  
 Central KTP Committee chuan KTP Rorel Inkhawm 2015 thurel bawhzuiin ram pum huap tawngtairual thawh hnihna chu September 26, 2015 (Inrinni) chawhma dar 11:00-a neih turin a rel a. Ram pum huap tawngtairual thawh khatna chu June 21 (Pathianni) khan Branch hrang hrangah neih a ni tawh a, 'Sual thupha chawina tawngtai'; hun atan hman a ni. Tawngtai thawh hnihna hi 'Zoram tan tawngtairual'; tih a ni a. Aizawl khawpui chhunga Bialte chuan A.R. Lammualah a huhovin hman tur a ni a. Aizawl khawpui pawn lam Bialte chu an remchan dan anga hmang tura tih a ni a, Bial Committee-in tha a tih angin a rel ang.
- ❑ **Hruaina Eng FM Radio & TV Programme**

  - ♦ **JULY 31, 2015 (FM ZOAWI AIZAWL @ 7:30 P.M.)**  
**Zaipawl** : BESY Choir - Ka Lal i ni, **Solo** : Zoramchhani - Lalpa duhzawng, **Thusawi** : Upa C. Lalduhawma - Tunlai huna chhungkaw inrelbawlna, **Zaipawl** : Mizoram Synod Choir - Aw Isu,min kai ang che, **Solo** : O.p.a - Tawngtaina
  - ♦ **JULY 31, 2015 (FM LUNGLEI @ 7:30 P.M.)**  
**Zaipawl** : BESY Choir - Ka Lal i ni, **Solo** : Zoramchhani - Lalpa duhzawng, **Thusawi** : Upa C. Lalduhawma - Tunlai huna chhungkaw inrelbawlna, **Zaipawl** : Mizoram Synod Choir - Aw Isu,min kai ang che, **Solo** : O.p.a - Tawngtaina
  - ♦ **AUGUST 2, 2015 (Tv Programme) @ 3:00 p.m.) :**  
**Playback** : Phullen Vengthar Kohhran Pathian chawimawi inkhawm(Pathianni zan inkhawm)
- ❑ **Susamachar Prasaran Programme**

  - ♦ **AUGUST 2, 2015 (Pathianni) 5:00 pm.:z**  
**Group/Choir/Solo** : LH Hindi School - Yeshu MASIH, **Group/Choir/Solo** : Luangmual Bial Masihi Sangati - Mere Geeto, **Sermon** : Rev. Vanlalbela - Isu Jevan Data He, **Group/Choir/Solo** : Melthum Masihi Sangati - Krista Zara Unau, **Group/Choir/Solo** : Republic Veng Masihi Sangati - Chalo mere sath
- ❑ **Moderator Programme**  
 Synod Moderator Rev.Lalrinmawia chuan tunkar tawpah hetiang hian hun a hmang ang :

  - ♦ August 1, 2015 (Inrinni) Zan - Dinthar Vengthlang Kohhran
  - ♦ August 2, 2015 (Pathianni) Chawhma - Dawrpui Vengthar West Kohhran
  - ♦ August 2, 2015 (Pathianni) Chawhnu - Dawrpui Vengthar Kohhran
  - ♦ August 2, 2015 (Pathianni) Zan - Dinthar Kohhran

### ADVERTISEMENT

Aizawl Theological College atangin External Course, BCS leh Dip. CS zirna kum 2016 atan hawn a ni leh dawn a. A zir duh tan August 2015 chhungin mahni ngei kalin ATC Acedemic Office-ah Registration tih theih a ni.

**Hriattur :**

**1. Bachelor of Christian Studies** : BA leh a chunglam tan - Highest Degree Certificate leh Marksheet, kohhran lehkha, Passport copy 1 leh Registration fee Rs. 1,000/- ken tur a ni.

**2. Diploma in christian Studies** : HSSLC leh a chunglam tan - HSSLC Certificate & Marksheet, Kohhran lehkha, Passport copy 1 leh Registration fee Rs. 1,000/- ken tur a ni.

**Principal**  
**Aizawl Theological College**

### HRIATTIRNA

August 31 : **RAMTHAR NI** chawhma inkhawm tih kha a duh tan chuan zana pawh sawn theih a ni a. Vawi khat aia tam inkhawm duh chuan thupui insiam chawp mai theih a ni e.

**Editorial Board**  
**SL & PB**

### HRIATTIRNA

Synod buatsaih Gospel Camping chu August 4 - 9, 2015 chhungin Synod Revival Camping Centre-ah neih leh tur a ni a, speaker atan Pu C. Lalramthara, Gospel Revival Team a ni ang. Camp lut duh te chu mahni Kohhran Secretary hnenah in report tur a ni. Registration Fee Rs. 100/- ken tur a ni.

**Director**  
**Synod Revival**